

Hercegovine, na 252. sjednici, održanoj 21.01.2021. godine, donosi

ZAKLJUČAK

1. Usvaja se Informacija o mjerama neposredne kontrole cijena iz nadležnosti kantona u Federaciji Bosne i Hercegovine.
2. Preporučuje se nadležnim kantonalnim organima u Federaciji Bosne i Hercegovine da u roku od 15 dana od dana stupanja na snagu ovog zaključka donesu odgovarajuće odluke o visini maksimalnih marži u trgovini, i to za:
 - sve vrste brašna,
 - sve vrste hljeba, peciva i drugih pekarskih proizvoda od brašna žitarica,
 - pasterizirano, homogenizirano i sterilno mlijeko.
3. Za proizvode iz tačke 2. ovog zaključka preporučuje se određivanje maksimalne veleprodajne marže do 8% na nabavnu cijenu i maksimalne maloprodajne marže do 10% na nabavnu cijenu.
4. Nadležni kantonalni organi će u roku od 30 dana od dana stupanja na snagu ovog zaključka obavijestiti Federalno ministarstvo trgovine o realizaciji preporuka iz tač. 2. i 3. ovog zaključka.
5. Zadužuje se Federalno ministarstvo trgovine da po proteku roka iz tačke 4. ovog zaključka, informiše Vladu Federacije o postupanju nadležnih kantonalnih organa.
6. Ovaj zaključak stupa na snagu narednog dana od dana objavljivanja u "Službenim novinama Federacije BiH".

V. broj 124/2021
21. januara 2021. godine
Sarajevo

Premijer
Fadil Novalić, s. r.

Na temelju članka 19. stavak (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 252. sjednici, održanoj 21.01.2021. godine, donosi

ZAKLJUČAK

1. Usvaja se Informacija o mjerama neposredne kontrole cijena iz nadležnosti kantona u Federaciji Bosne i Hercegovine.
2. Preporučuje se nadležnim kantonalnim organima u Federaciji Bosne i Hercegovine da u roku od 15 dana od dana stupanja na snagu ovog zaključka donesu odgovarajuće odluke o visini maksimalnih marži u trgovini, i to za:
 - sve vrste brašna,
 - sve vrste kruha, peciva i drugih pekarskih proizvoda od brašna žitarica,
 - pasterizirano, homogenizirano i sterilno mlijeko.
3. Za proizvode iz tačke 2. ovog zaključka preporučuje se određivanje maksimalne veleprodajne marže do 8% na nabavnu cijenu i maksimalne maloprodajne marže do 10% na nabavnu cijenu.
4. Nadležni kantonalni organi će u roku od 30 dana od dana stupanja na snagu ovog zaključka obavijestiti Federalno ministarstvo trgovine o realizaciji preporuka iz tač. 2. i 3. ovog zaključka.
5. Zadužuje se Federalno ministarstvo trgovine da po proteku roka iz tačke 4. ovog zaključka, informira Vladu Federacije o postupanju nadležnih kantonalnih organa.
6. Ovaj zaključak stupa na snagu narednog dana od dana objave u "Službenim novinama Federacije BiH".

V. broj 124/2021
21. siječnja 2021. godine
Sarajevo

Premijer
Fadil Novalić, v. r.

142

Na osnovu člana 137., 138., 138a., 140. i 141. Zakona o radu Federacije Bosne i Hercegovine ("Službene novine Federacije BiH", broj 26/16 i 89/18), reprezentativni sindikat - Sindikat BH Telecoma Sarajevo, podržan od strane Sindikata hrvatskih telekomunikacija (u daljem tekstu: Sindikat) i Vlada Federacije Bosne i Hercegovine - Federalno ministarstvo prometa i komunikacija, dana 21. januara 2021. godine, zaključuju

GRANSKI KOLEKTIVNI UGOVOR ZA PODRUČJE TELEKOMUNIKACIJA U FEDERACIJI BOSNE I HERCEGOVINE

Član 1.

Ovim Kolektivnim ugovorom (u daljem tekstu: Ugovor) utvrđuju se prava i obaveze radnika iz rada i po osnovu rada koja su predmet ovog ugovora kao i prava i obaveze potpisnika Ugovora.

Pod pojmom Poslodavac podrazumijeva se Dioničko društvo BH Telecom Sarajevo i Javno preduzeće Hrvatske telekomunikacije d.d. Mostar (u daljem tekstu: Poslodavac), koji se bave pružanjem usluga u telekomunikacijskom prometu.

Pod pojmom radnik, u smislu ovog ugovora, podrazumijeva se fizičko lice koje je zaposleno na osnovu ugovora o radu kod Poslodavca.

Član 2.

Općim aktima Poslodavaca ne mogu se utvrditi manja prava radnika, niti uskratiti prava radnika od onih koja su utvrđena ovim ugovorom.

Član 3.

U slučaju prodaje, prenosa ili promjene državnog vlasničkog kapitala kojim bi državni vlasnički udio kod Poslodavca bio manji od 50,01%, Vlada Federacije BiH se obavezuje da će u tenderu, Ugovoru o prodaji ili bilo kojim drugim načinom prenosa i/ili promjene udjela vlasničkog kapitala, pored ostalog, navesti uslov da u roku od najmanje 4 (četiri) godine od dana prenosa državnog vlasničkog kapitala neće doći do otpuštanja radnika otkazivanjem ugovora o radu od strane Poslodavca zbog ekonomskih, tehničkih ili organizacijskih razloga, niti će se mijenjati odredbe važećeg granskog kolektivnog ugovora do isteka njegove važnosti.

Izuzetno, u slučaju utvrđenom u stavu 1. ovog člana, Poslodavac i radnik mogu zaključiti poseban sporazum o prestanku ugovora o radu uz isplatu posebne naknade po osnovu ukupne dužine radnog staža kod Poslodavca, koja će se utvrđivati tako što će se, za svaku godinu radnog staža kod Poslodavca, radniku isplatiti novčani iznos od 2.300 (dvije hiljade i tri stotine) KM, s tim da ukupan iznos naknade ne može biti manji od 10.000,00 KM niti veći od 50.000,00 KM.

Član 4.

Pitanje otkaza ugovora o radu zbog ekonomskih, tehničkih ili organizacijskih razloga za najmanje 5 radnika, kao i za slučaj reorganizacije i restrukturiranja koji podrazumijeva ukidanje nekog od organizacijskih dijelova kod Poslodavca, mogu se urediti pojedinačnim kolektivnim ugovorom kod Poslodavca ili sporazumom Poslodavca i Sindikata u roku od 60 dana od dana potpisivanja ovog ugovora.

Član 5.

Radnik će svoja prava iz radnog odnosa ostvarivati po postupku i na način utvrđen Zakonom o radu, ovim ugovorom, pojedinačnim kolektivnim ugovorom kod Poslodavca i/ili sporazumom Poslodavca i Sindikata i pravilnikom o radu kod Poslodavca.

Član 6.

Ako se zbog prodaje, nasljeđivanja, spajanja, pripajanja, podjele ili druge promjene oblika organizovanja, promijeni lice ili

pravni položaj Poslodavca, sve obaveze iz ovog ugovora do isteka njegovog važenja, ugovora o radu i svih drugih akata, koje se odnase na radnike, prenose se na novog Poslodavca, uz saglasnost radnika.

Član 7.

Uslovi za rad i djelovanje Sindikata kod Poslodavca će se urediti pojedinačnom kolektivnim ugovorom kod Poslodavca ili sporazumom Poslodavca i Sindikata u roku od 60 dana od dana potpisivanja ovog ugovora.

Član 8.

Kolektivni radni sporovi o primjeni, izmjeni i dopuni, odnosno otkazivanju ovog ugovora ili drugog sličnog spora koji se nisu mogli riješiti dogovorom potpisnika ovog ugovora, rješavat će se u postupku mirenja u skladu sa Zakonom o radu.

Član 9.

Strane u sporu mogu rješavanje kolektivnog radnog spora iz ovog ugovora, sporazumno, povjeriti arbitraži.

U slučaju sporazuma o arbitražnom rješavanju spora formira se arbitražno vijeće.

Arbitražno vijeće broji pet članova, od čega po dva imenuju ugovorne strane, a jednog zajedničkog člana (predsjednika) biraju iz reda uglednih stručnjaka iz oblasti koja je predmet spora.

Rad Arbitražnog vijeća je javan.

Član 10.

Odluka arbitraže donosi se u roku od 30 (trideset) dana od dana pokretanja arbitražnog spora i ima pravnu snagu i dejstvo ovog ugovora.

Protiv arbitražne odluke, žalba nije dopuštena.

Član 11.

U svrhu zaštite i ostvarenja ekonomskih i socijalnih interesa svojih članova, Sindikat ima pravo pozvati svoje članstvo i zaposlene u štrajk.

Radnik ima pravo na štrajk i slobodno odlučuje o svom učešću u štrajku.

Ukoliko Sindikat ocijeni da se ne ostvaruju prava radnika utvrđena Zakonom i ovim ugovorom, stupit će u pregovore sa Vladom FBiH i zahtijevati da poduzme odgovarajuće mjere.

Sindikat ima pravo organizovati štrajk u skladu sa Zakonom i pravilima Sindikata o štrajku, ukoliko sporna pitanja ne budu riješena putem pregovora.

Sindikat se suzdržava od štrajka, ako se odredbe ovog ugovora uredno ispunjavaju prema svim radnicima.

Štrajk se organizuje i vodi u skladu sa Zakonom o štrajku, ovim ugovorom i Pravilnikom Sindikata o štrajku.

Član 12.

Sindikat će pristupiti štrajku, kao metodu sindikalne akcije, u skladu sa zakonom, pri tome vodeći računa da se obezbijedi funkcionisanje sistema telekomunikacija u skladu sa Zakonom o štrajku.

Za provođenje štrajka potrebno je utvrditi broj izvršilaca i radna mjesta koja se ne mogu prekidati za vrijeme trajanja štrajka, a na osnovu sporazuma utvrđenog sa Poslodavcem.

Sporazum kojim se utvrđuju poslovi koji se ne mogu prekidati za vrijeme štrajka kod Poslodavca, kao i njihov obim, predlaže Poslodavac.

Član 13.

Odluku o stupanju u štrajk donosi nadležno tijelo Sindikata.

Odluka o stupanju u štrajk dostavlja se Osnovnim sindikalnim organizacijama - Podružnicama i Poslodavcu i to u zakonski utvrđenom roku.

Član 14.

Ovaj ugovor zaključuje se na rok od 2 godine, a ukoliko se ovaj ugovor ne produži, primjenjuje se još 90 dana od datuma isteka.

Svaka ugovorna strana može pokrenuti postupak za izmjene i dopune ovog ugovora, ali ga ne može jednostrano otkazati.

Strana kojoj je podnesena pismena inicijativa za izmjenu i dopunu ovog ugovora obavezna je izjasniti se o predloženoj izmjeni i dopuni u roku od 30 (trideset) radnih dana od dana prijema inicijative.

Ako se u toku pregovora u roku od 45 dana ne postigne saglasnost za zaključivanje izmjena i dopuna ovog ugovora, ugovorne strane mogu da obrazuju arbitražu za rješavanje spornih pitanja.

Svaka ugovorna strana može otkazati ovaj ugovor samo ako se druga strana ne izjasni u skladu sa stavom 3 ovog člana.

Član 15.

Ovaj ugovor smatra se zaključenim kada ga potpišu predstavnici ugovornih strana.

Član 16.

Nadzor nad primjenom ovog ugovora obavlja nadležni inspektor rada u skladu sa zakonom.

Član 17.

Potpisnici ovog ugovora se obavezuju da će na sva druga pitanja iz radnog odnosa koja nisu uređena ovim ugovorom, primjenjivati odredbe Zakona o radu, pojedinačnog kolektivnog ugovora kod poslodavca, sporazuma Poslodavca i Sindikata, drugih pozitivnih propisa, i Konvencija MOR-a koje su ratifikovane od strane BiH.

Član 18.

Poslodavac je dužan uskladiti Pravilnik o radu i druga opća akta sa odredbama ovog ugovora u roku od 90 (devedeset) dana od dana stupanja na snagu ovog ugovora.

Član 19.

Ovaj ugovor stupa na snagu danom potpisivanja, a bit će objavljen u "Službenim novinama Federacije BiH".

Broj 03-30-103/2021	Federalni ministar prometa i komunikacija
21. januara/siječnja 2021. godine	Broj 2.4-24850/5-21
Sarajevo	21. januara/siječnja 2021. godine
Za Vladu Federacije Bosne i Hercegovine	Sarajevo
Federalni ministar prometa i komunikacija	Za Sindikat BH Telecoma
Denis Lasić, s. r.	Predsjednik
	Fikret Alić, s. r.

ФЕДЕРАЛНО МИНИСТАРСТВО ЗА ПИТАЊА БОРАЦА/БРАНИТЕЉА И ИНВАЛИДА ОДБРАМБЕНО-ОСЛОБОДИЛАЧКОГ/ДОМОВИНСКОГ РАТА

143

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", 35/05), Uredbe o načinu osnivanja i utvrđivanja visine naknade za rad radnih tijela osnovanih od strane Vlade Federacije BiH i rukovodilaca federalnih organa državne službe ("Službene novine Federacije BiH", broj 48/14, 77/14, 97/14 i 58/15), Rješenja Vlade Federacije BiH o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebu pečata Federalnog ministarstva za pitanja boraca i invalida odbrambeno-oslobodilačkog rata ("Službene novine Federacije BiH", br. 54/20 i 62/20), Federalno ministarstvo za pitanja boraca i invalida odbrambeno-oslobodilačkog rata, donosi